

Communicaziun a las medias dal 1. d'avrigl 2026

Far experientschas en la natira e surpigliar responsabladad: La BCG offra 30 jobs da stad en il guaud da muntogna grischun

La Banca Chantunala Grischuna (BCG) porscha er il 2026 puspè jobs da stad per giuvenil:as dal Grischun. Tut en tut 30 plazzas stattan a disposiziun. Interessa:das pon s'annunziar fin il 26 d'avrigl 2026.

L'emprima da las duas emnas da project ha lieu dals 29 da zercladur fin ils 3 da fanadur a Cazas, la segunda dals 20 fin ils 24 da fanadur 2026 a Glion. Instruids da selvicultur:as gidan ils giuvenils a moda efficazia da tgirar il guaud giuven ed ils prads maghers sco er a cumbatter plantas estras, las uschenumnadas neofitas. Uschia vivan las participantas ed ils participants il guaud da muntogna indigen a moda directa ed intensiva e gidan a mantegnair sia funcziun da protecziun. Per lur engaschament survegnan las giuvnas Grischunas ed ils giuvenils Grischuns ina paja da 500 francs.

Las emnas da project da la BCG e dal Project en favur dal guaud da muntogna, ina fundaziun d'utilitad publica cun sedia a Trin, han lieu quest onn per la 14avla e davosa giada. La BCG s'engascha uschia per il guaud da protecziun grischun e porscha il medem mument als giuvenils in'occupaziun raschunaivla durant las vacanzas. Giuvenils motivads tranter 15 e 19 onns che lavuran gugent giuadora da tutt'aura ed han plaschair da s'engaschar per la natira, pon s'annunziar fin ils 26 d'avrigl 2026 sin gkb.ch/sommerjobs.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuir | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa è represchentada en tut las regiuns dal Grischun. Cun passa 1'000 collavuraturas e collavuratur è la BCG ina da las pli grondas patrunas en il chantun. Ultra da sias activitads economicas s'engascha ella cun ses sponsoradis, ses fond da contribuziuns, sia collecziun d'art e sia lavur voluntara.

La BCG dispona da participaziuns da maiortad a la Banca privata Bellerive AG ed a l'Albin Kistler AG. Ultra da quai è ella acziunaria unica da la BZ Bank Aktiengesellschaft. Il scrit da participaziun BCG è quotà a la bursa dapi il 1985. Al resultat da gestiun 2025 è il chantun Grischun sa participà cun 103.6 milliuns francs incl. l'indemnisaziun per la garanzia statala.

Termins:

Radunanza da las participantas e dals participants: 9 da matg 2026

Rendaquint semestril 2026: 21 d'avust 2026